



## تمرة رمضان

العدد رقم ٢٨

### سلطة خيار ولبن

يصنف هذا الطبق من ضمن  
المقبلات والسلطات الباردة  
مكوناته الأساسية : لبن + خيار  
+ ملح + نعنع ناشف + شومر.



### عين كافور

كافور هو اسم عين ماء في الجنة ..  
ذكرت في القرآن الكريم في الآية رقم ٥  
من سورة الإنسان بسم الله الرحمن  
الرحيم ( إن الأبرار يشربون من كأس  
كان مزاجها كافورا عينا يشرب بها  
عباد الله يفجرونها تفجيرا ) صدق الله  
العظيم. يفجرونها تفجيرا أي يتصرفون  
فيها حيث شاءوا وأين شاءوا من  
قصورهم ودورهم ومحالهم.

### شنينة

تسمى أيضاً عيران أو لبن أب أو لبن مخيض  
مكونات هذا المشروب: لبن + ماء + ملح





حركة التحرير الوطني الفلسطيني - فتح  
إقليم استراليا



حكاوي ستي

### جيبلي بطريقك

هاي يا حليلة تعالي يا ستي بدي إياكي تجيبيلي شغلة بطريقك إصحي تروحي عالديكان قبل ما أشوفك هذي شغلة ضروري! حاضر يا تيتا هو لو إنه شغلة إجت عليك كان أمر الله بس صارت شغلتي كبيرة بمشوار الدكانة إمي بدها غرض وأخوي بده غرض وكمان أبوي بده غرض والله لو إني مسافرة على ثاني بلد ما عملتوش هيذ الدكانة أول الحارة خمس دقائق كسدره صار الكل بده منها غرض طيب ما يروح كل واحد لحاله وإلا في هون خدامة بتحبوا تأمروها وتخلوها تجيب الغرض لحضنكم ويا ريت بنخلص إلا هيذ إللي بشتري ما بتعرفي تنقي هياتوا ضحك عليكي الدكنجي كمان مرة روعي بدليها وإلا أقولك رجعيها بالله شو جيبلي بطريقك ما هيش بطريقي وأنا رايحة دوس على دكانة وحدة وبديش أقعد أتحرر بتعجبكم تنقايتي وإلا عمرينها ما عجبتم. ولّ عليكي زي المزارب بُع بُع قلبك دايماً مليون بتعرفيش يا ستي تحكي حاضر وإللي بدك إياه بصير وتبطلي شوفة الحال، هو إنتي يا حرام رايحة جاية مشاوير عشرين وإيش فيها لما تتناولي كم غرض بطريقك عادي بدل من ألف مشوار واحد بطلع بجيب ألف غرض، شوفي إمكن الله يرضى عليها لما تطلع على السوق ليكون بتجيب إغراض إلها لحالها ما هي ما بتخلي غرض إلا بتجيبه بس البيت مثل الشحاذة كل شوية بدو غرض جديد، يعني إنتي بتجيبني من الكوم قشة وبس بعد ما تلعي قلبي بكلامك الدقش ويا ريت بتعرفي تشتري، أه تتطلعيش فيني هيذ دايماً بتحبي العلية الحلوة والشغلة الجديدة تا تجربيه وميت مرة قلتلك أنا ما بحب أغير مخي دكة قديمة وبحب الموضة العتيقة بدك تجري جربي على حالك أنا زهفت تجريب والوحدة لازم تبقى عارفة قديش حق الغرض وإذا الدكانة القريبة غالية شدي حيلك على دكانة ثانية وجيبني الغرض بالسعر إللي بتعرفيه وإلا بتصيري مضحكة سوق وعليكي بضحك كل السوق، ما هو الدكنجي لما يشوفك حملتي الغرض ورجعته إنه لأنه سعره غالي لما تجي عليه مرة ثانية يعرف إنك بتعرفي الأسعار وما بتشتري إلا بالسعر إللي بدك إياه



الوو معلم اسمعت  
الام بي سي بدهاشه تعطي  
اللقب لعساف شو تعمل ؟؟

ولا مماتي اتنا بتسال  
بنا ندرق الام بي سي  
عالي فيعها لو ما اخبها  
ابو العساسيف فااa







حركة التحرير الوطني الفلسطيني - فتح  
إقليم استراليا



خروفية

### أكلة كنفش

روى الراوي خرايف وحكاوي عن الحماة والمكنة وقد ما قالوا عن الكنة وكيدها إلا أنه الراوي بقول الحماة دايمًا بتغلب وما حدش بالكيد مثل الحماة ويا نيال البننت إلّي إمها بتقويها وبتسد لها ثارها من جوزها وإمه. وهات تا نحكي عن عادة ويا ما أحلى إسمها هالمزيونة بس حكاياتها قلال وحيلتها خفيفة لا بتفتع لا جوز ولا ابن بس عندها إمها بظهرها ودايمًا واقفة معاها بالحق إمها مثل الغولة وحتى بالباطل بتضلها تحن على بنتها، وآه من عادة لما تروح على إمها ودمعتها على خذها وتقول: يمه حماتي عملت هيذ وهيذ إيش أعمل؟

مرة من المرّات إجت إمها وقالت لها بدي أخلي جوزك يصير يبوس إجريكي بس لازم تعلمي إلّي بقولك إياه، جابت إله حية ميتة وقالت لها إطبخيها مع رز وبصل وطعميها لحماتك وأوعى جوزك يوكل منها، وبعد كم يوم جابت إله ذنينين فار وقالت هذول بذك تطبخين لجوزك ويوكلهن لحاله. بعد كم يوم صارت حماتها تحكي جوعانه وجسمي مهدود ومش قادرة أرفع إيدي تا أحط اللقمة بئمي، وابنها قاعد جنبها بس ملوش نفس يطعمي إمه، قامت عادة صارت تعبي المعلقة واطعمي حماتها وإلا الختيارة بتقول بدي من إيد ابني بس ابنها يقولها: بلاش دلغ وكلي من إيد عادة، وإمه تقول مش قادرة أمضغ اللقمة بدي إياك تمضغها وتحطها بئمي، قامت عادة مضغت اللقمة وحطتها بئم حماتها، وضلت هيذ تعمل ثلاث أيام لبليالين، وبعديها رجعت الحجة قوية مثل الحصان وصارت تهد وتشد وعلى عادة تسب، إجا ابنها من برّات الدار ولما لقي إمه قاعدة بتبهدل بغادة قالها: طيب اتذكري إنها كانت بتمضغك لقماتك وإنتي مريضة بس الحجة ضلت تبهدل فيه وتقول له أنا ما مرضت إلا من طبيخها وابنها يرد عليها ما طيبتي إلا من طبيخها يا إمي إلّي بده يعد بعد المليحة والعاطلة بصيرش هيذ.

وبعد كم يوم إجت إمها لغادة ومعاها تحويجة جديدة وأخرى دورة انهدت حماة عادة وصارت عادة تحط اللقمة بئمها، وغادة فرحانة أنه جوزها صار يعزها أكثر من إمها ودايمًا راضي عليها، بس حماتها لما طابت راحت وجابت أكلة كنفش وعملتها عجة وطعمت ابنها منها ومن بعديها صار ما يشتهي يقرب على عادة مرات يقولها ربحتك طالعة ومرات يقولها بدي أنام لحالي وهيذ وهيذ لصار بده مرا بالتخت بس أكيد مش عادة، راح عند إمه وقالها وجعه ردت عليها: يا بتجيب إله ضرة أوبتموت بحسرتك، وبين يوم وليلة تجوز وصار عريس من جديد وصارت الجديدة على الحضن عنده وعند إمه وغادة تروح عند إمها بدها شغلة جديدة تا ترجع جوزها لحضنها وإمها تقول لها: ساعدتك وكنتي فوق الريح بس من هبلك وقعتي وهات يرجعك جوزك، إنتي جوزك أكل كنفش يبقى ما بنفع معه لا عمل ولا حجاب بده تبعد بين أمه وبينه وإذا ضلت إمه بالببيت عمرك ما بترجي لحضنه، راحت عادة وقالت لجوزها ليش ما تبعت إمك تحج يقولها لا تحج ولا تهج وإذا بتجيب سيرة إمي مرة ثانية على دار أبوكي مرجوعك. صارت عادة محتارة ومش عارفة إيش تعمل راحت سألت إمها قالت إله: كنفش شهر ويوم وبعديها العروسة بتغلط وبتحرد ضلك قاعدة عاقلة وإلا بتروح عليكي، وعند بعد شهر ويوم صارت طوشة وقامت الدنيا وماقعدت والعروسة راحت على دار أبوها حردانة، والغادة ضلت بأوضتها ولا كأنه في إشي وبعد أسبوع إجاها جوزها وقالها عبالى نسهر سوى إنتي حبي الأولى، قالت بسرها: الحمد لله أنا حب عنجد مش من أكلة كنفش.





صدر حديثا

### كتاب المنهجية القانونية

المؤلف: الدكتور جهاد الكسواني والدكتور أحمد الرفاعي.  
صدر عن دار الشروق للنشر .



### فراشات فلسطين

الاسم العلمي

**Carcharodus Orientalis**

كارجورودس أورينتائيز

